

德壯果公年譜

德壯果公年譜卷十四

次孫花沙納恭纂

嘉慶五年庚申

十月初一日

諭曰本年九月節交立冬京師卽日瑞雪四五寸極爲優渥本月

朔日時嚮

太廟朕親詣行禮旋於坤甯宮祀

神天色晴明氣候暄燠此皆仰荷

天

祖恩眷朕感慰之餘時深敬惕因念各路軍營帶兵大臣勤勞備

著茲特頒賜額爾登保德楞泰兩路軍營祀

神糕各一分同將領等一體分賞俾得共邀

福佑迅奏虜功又各賞給奶餅一匣著於出力將領內分賞同嘗珍味用示眷念至額爾登保德楞泰自統兵剿賊已及五載上

年

皇考大事迄今將近再暮伊等尚未得祇謁

山陵而朕親政以後伊等亦尙未瞻覲朕眷念勞臣亟思接見稍慰塵懷特軍務未竣何能遽行宣召想伊等瞻戀之忱亦必同深殷切卽伊等不思急欲見朕而從年同受

皇考厚恩委以軍旅重務亦應感激倍深甯不思叩謁

裕陵一伸忱悃現在賊勢日蹙軍威壯盛惟望倍加奮勇於年內
將各股一律肅清班師奏凱飲至策勳既可遂其謁覲之心使
朕亦得以面加慰勞實我君臣之至願也此時各路兵多於賊
而預撥餉項又極充盈細思已爲周備不應更有掣肘之事但
軍務情形委折亦難臆度或伊等實有難言之隱並窒礙難辦
之處不妨據實直陳候朕核奪轉不必隱忍遷延徒稽時日若
實無他故則當計日歲功勿令師老力疲也額爾登保德楞泰
二人如何布置務期年內一律辦竣之處著各行據實迅速具
奏以紓塵念

初二日

公偕勒保奏言

臣

等探得劉朝遷湯思蛟張金蓮杜應杰

等竄過後河分作兩股劉張二逆走渡口巖湯杜二逆走

井溪霸分路奔竄又據探報七十五所勦趙麻花一股因

官兵在鎮龍關一帶阻水該匪卽乘間東奔已過關口坪

關入雲開境內張子聰李顯必等折竄太平開縣連界之

濛濛溪而大甯老林內尙有零星餘孽在彼出沒遊奕均

須併力兜勦肅清東路

臣

等於初四日自清花溪分兵

德楞泰取道白沙河至井溪霸追勦湯杜二逆

臣

勒保取

道舊縣霸至渡口巖追勦劉張二逆並知會七十五卽由

太平邊界緊貼西北一面而來

臣

德楞泰於初七日至井

溪霸知湯思蛟等已由榨井壩竄赴東開交界之柏木園
當卽連夜督兵冒雨前進初八日二更至瓦屋坪距柏木
園祇二十里賊因雨大未動當卽探明道路派令副將託
雲泰蒲尙佐等爲左路由後山觀音巖埋伏派令賽沖阿
溫春色爾滾等爲右路由西面圍寨子進發臣德楞泰督
率阿穆勒塔馬瑜等爲中路由子母埡進發天甫黎明臣
與賽沖阿兩路官兵同到賊在山梁亦分兩股悉力抵禦
我兵不避槍石奮勇競上賊見官兵勢猛盡棄輜重牛馬
由後山滾巖越澗而逃官兵乘勢掩殺殲斃僞總兵胡之
魁並賊衆一百三十餘名生擒李芳陳趙氏等八十三名

口滾巖跌斃者五六六十人餘匪四散奔潰復經託雲泰等一路官兵分投掩捕殺斃四十餘名生擒賊目湯思川係湯思蛟之弟並謝貴等三十三名餘匪由向家溝翻山奔逸十二日追至長店房適七十五亦由溫湯井一路前來正遇賊探十餘人到彼立時追捕擒獲探馬頭亢正剛訊據供稱湯思蛟等現贋二百餘人在燈草霸山溝潛匿隨留七十五在彼堵截臣德楞泰於十三日卽帶兵馳往該處詎賊已聞信由高橋一路逃奔當派賽沖阿等帶領馬隊追蹤越過五重大山趕至紫水壩又斃賊五十餘名生擒蕭得信等三十餘名尙有一百餘人向大梁深林竄逸

至

臣

勒保一路於初八日至渡口巖據逃出難民吳世郎

供稱該匪等連日亡命狂奔劉朝選與張金蓮相商分作

兩路行走約在蒲家壩會齊探聽官兵若俱向雲陽一路

追去該匪等仍欲折回太平

臣

勒保當派總兵永甯參將

田朝貴等帶兵覓路抄截

臣

卽督同薛大烈侍衛花品塔

什拉等緊躡追趕十一日申刻至蒲家壩賊已知有追兵

正在躡渡前河卽經我兵趕上殺斃八十餘名生擒瞿金

玉等男婦一百十三名口淹斃數十人我兵亦卽連夜淌

渡追躡被急流衝失兵勇八名十三日追至楊子嶺正值

永甯等由馬家坡一路抄出遇賊迎擊

臣

勒保卽督兵兩

面夾攻匪衆四散奔逸官兵分投追殺又斃賊一百餘人
生擒僞先鋒陳元旗首黃之華等五十六名餘匪向路陽

三堵竄遁維時臣勒保因聞臣德楞泰在紫水壩一帶相
距甚近當令永甯等追蹤竄匪前進臣勒保卽至紫水壩

會合適據探報張子聰等尙在濛濛溪老林口屯紮而徐
添德一股業從楚省竄至平利有折回四川之勢趙麻花
已從大甯老林勾合青號夥匪王姓由香坪桂塲一路轉
回查現勦湯劉張杜等四股所贖不過二三百人卽商令
七十五取道明通井等處顧住太平西北一面以防陝匪
竄逸派令永甯託雲泰各帶兵勇三千餘名分投兜截搜

捕臣等卽督兵由江口一帶迎勦趙麻花等股之賊十五

日行抵蘆花嶺探知匪衆現屯楊柳坪正擬分兵進勦詎

十六七兩日大雨不止各處溪水驟發不能卽過江口當

卽多焚竹筏趕搭浮橋於十八日連夜冒雨而渡直至十

九日午刻渡竣探報賊匪約有八九百人正於是日由寒

池霸向大水田一路竄來臣德楞泰卽督同賽沖阿溫春

馬瑜等帶領馬步官兵由溝內迎擊臣勒保督同阿穆勒

塔色爾滾薛大烈由右手山梁下壓該匪等正在溝內行

走不防迎頭遇見兩路官兵奮勇衝殺斃賊一百餘名生

擒甘賢書等七十五名口賊卽奔上左手馬鞍山倚險拒

敵施放搶石連壓我兵三次我兵鼓勇直上攻撲愈緊匪衆旋卽潰奔追過馬鞍山頂我兵已得地勢奮勇下壓殲獲賊二百餘名追至石虎嶺時已昏暮查該處周圍三里俱係箐林賊卽奔入林內藏匿黑夜難以搜捕臣等恐

其乘夜免脫卽將兵勇四面擎卡圈圍飭令各將備毋任一名逸出是夜賊於大垭口衝撲三次均經侍衛達勒精阿慶昌副將蒲尙佐參將達自祥等帶兵擊退迨至天明臣等卽督兵進林搜勦賊見四路有兵竟捨命衝突放槍擲石兵勇間有受傷我兵四圍並進箭斃大頭目李思印

林士純槍斃僞總兵何崇信有賞戴藍翎之四川步兵何

有富見有一人身穿紅馬褂率領七八人向東奔逸知係
頭目何有富卽帶兵勇二十餘人盡力追捕至溝底追及
連戳兩矛倒地割取首級呈驗所有潛匿之賊均經各官
兵斬獲淨盡亦有在樹林縊死者並無一名漏網統計點
驗賊屍二百一十八軀生擒探馬頭王添爵大旗首張杭
並趙麻花之妻張氏等男婦大小二百五十一名口當將
割獻首級逐一飭令驗認僉稱所殺穿紅馬褂之賊實係
趙麻花卽趙易應而其妻張氏一見卽痛哭不止據供趙
麻花係達州人乃徐添德之徒與汪瀛同夥自汪瀛在川
西勦散被擒趙麻花卽稱僞元帥由川西竄回總在川東

一帶奔竄嗣經七十五在東鄉地方勦敗該逆卽率衆由太平遁入大甯老林近在湖北邊界遇見青號賊目王珊帶有三四百人逃回與該逆一同折竄因聞徐添德將回四川欲赴太平老林接會連日大雨在寒池壩紮住三日趙麻花率其夥匪八百餘人先走令王珊斷後不期至大水田猝遇官兵盡被擒殺王珊在後未來不知逃往何處等語臣等訊供後卽將賊目王添爵張杭等凌遲處死趙麻花首級解交達州梟示趙張氏例應緣坐亦解達州監禁彙辦其從賊日久之符德元等二百五十四名均卽正法被擄未久之男婦陳田硯李劉氏等一百三名口酌給

銀米發交雲陽縣分別遞解回籍搶獲騾馬二百四十餘頭匹與衣物器械等件均賞出力兵勇臣等伏查趙麻花一股亦曾竄擾川西罪大惡極今幸仰仗

天威全行撲滅人心靡不稱快至刻下湯思蛟等四逆雖未殲獲所贖實祇二三百人現有永甯等兩路官兵前往追截自不致日久稽誅惟王珊等三四百人旣從川楚邊界竄回又有欲赴太平接取徐添德回川之說亟須及早勦滅以免蔓延臣等現已分兵三路先將此股兜勦完竣腹地肅清即可就近併力相機探勦張子聰等並川陝邊界之賊以冀剋期掃蕩

諭曰此次德楞泰勒保分投勦辦劉朝逃湯思蛟等股賊匪多有
斬獲所曠不過二三百人令總兵永甯副將託雲泰各帶兵勇
兜截搜勦德楞泰勒保復會合迎勦趙麻花等并該逆黨既逆
殲淨此股餘匪實爲奢勇可嘉德楞泰勒保俱著先行交部議
敘其賞戴藍翎之四川步兵何有富見有穿紅賊目奔逸卽盡
力追上連戮兩矛倒地割取首級呈驗係首逆趙麻花尤爲出
力卽著以千總拔補其餘打仗出力各員仍著德楞泰勒保奏
明候朕再降恩旨

恭錄

御製詩

參贊德楞泰總督勒保總兵明亮巡撫倭什布各奏報川

楚剿賊得勝趕緊肅清腹地情形詩以誌慰

頒朔祀

神典敬修喜音川楚達軍郵巖邊餘孽難藏穴金底游魂漫匿溝

據德楞泰勒保奏分路追勦湯杜劉張四逆殲斃爲總兵胡之
魁生擒賊首湯思蛟之弟湯思川探馬頭亢正剛僞先鋒陳元
旗首黃之華等兩路共殲斃擒獲賊衆八百餘名所廢者不過
二三百人奔竄山溝潛匿德楞泰勒保在紫水壩會合探得趙
麻花勾合大甯青號賊之信卽由江口迎勦於十九日在塞池
霸兩路督勦當殺賊三百七十餘名次日將藏匿之賊盡行搜
獲勦殺內有大頭目李思印林士範爲總兵何崇信四川步兵
何有富追捕穿紅賊首趕至溝底戳斃割取首級又擒獲活賊
內有趙麻花之妻張氏一見向有富戮斃之穿紅賊屍卽時痛
哭認係趙麻花並據供伊夫達州人係徐添德之徒查此股首
夥俱已殲盡餘劉湯等逆勢已殘敗即可掃蕩無遺兵合兩旗威嚴後賊分四號勦迎頭

明亮倭什布先後奏到明亮截剿黃白藍線四號匪衆於二十一日在房縣所屬之上龕中龕一帶督率迎剿共殺六七百名殲斃擒獲賊目多名倭什布緊騎賊蹤將埋伏抵抗之賊沿途擊斬又於七里碥將箐林大股伏賊與明亮所派策應官兵夾擊潰散殲戮殆盡現在明亮倭什布會商分合將楚省餘匪剋期盡平既增感慰仍祈

佑定亂安民闡

聖猷

初九日

公偕勒保奏言查青號分股賊目王珊自大甯老林夥同趙麻花一股轉回欲向太平迎徐添德來川在大水田地方被官兵將前股趙麻花截殺淨盡王珊卽向雲陽折竄經該縣梁敦懷率勇堵截又復竄往高陽臣等因太平一

帶現有七十五一路官兵在彼可以截其竄陝之路而溫湯井等處地勢險窄亦有路可通老林當派副將褚大榮帶兵扼住要隘臣德楞泰督同賽沖阿等過南溪河由元

灘一路追躡臣勒保督同溫春等由江口至牌亞口一路

兜截臣德楞泰於二十三日午後至開縣之禮復山探知賊於是日早間已由該處起身當卽連夜督兵追逐至三

十四日申刻趕至大茅坡正直賊匪在彼造飯一見官兵

卽紛紛奔潰我兵奮勇追殺至磨子巖時已昏黑斃賊一百餘名生擒賊目鍾應昆等九十三名訊據供稱王珊在濫泥溝身帶箭傷不能行走經官兵連戳兩矛斃命當卽

查驗屍軀割取首級認明屬實餘匪尙有三百餘人由郭家坡折竄維時臣勒保聞信卽督同溫春等於二十五日

抄至巫山礎截擊詎賊匪探有官兵又向八廟橋奔逸經

新甯縣保全寨等處團勇截殺斃賊二十餘人生擒三名

團勇亦有傷亡二十六日巳刻我兵追至觀音槽臣勒保

卽同溫春等帶領馬隊趕上直前衝殺賊衆大潰滾巖跌

斃並殺死者一百二三十名生擒旗首傅有萬等五十七

名內有王珊瑚之師李思槐係徐添德徒弟衆稱爲四老師

父又經天元寨軍功團勇喻永福等搜獲劉顯壽等八名

查此股賊匪本祇有四百餘人茲連次殺斃二百五六十

人生擒一百六十一名口首逆王珊業經殲斃其師李思
槐亦已被擒首夥勦淨川東實已肅清當將李思槐寸磔
梟示賊目鍾應昆傅有萬凌遲處死從賊日久之陳友富
等一百五名均卽正法惟被擄未久之向思得羅李氏等
五十四名口酌給銀米遞籍省釋臣等原思辦完此股之
後川東川北腹地已無賊匪惟張子聰劉朝遷湯思蛟等
各逆在太平大甯老林內潛匿所贖賊匪無多先派總兵
永甯託雲泰等帶兵進山搜捕臣等亦當卽赴太平一帶
督辦以期川省全數肅清再勦陝西邊界之賊緣據署通
江縣徐廷鉉稟報有李炳陳朝觀數內賊目朱九齡帶有

三四百人由陝竄至平溪壩經該縣督率壯勇迎擊殺死
並淹斃八九十人正欲過河追勦復有陝西竄來張添倫
張士龍齊國謨等餘黨千餘由金溪河溝口突出當卽率
勇衝殺斃賊一百五六十人生擒僞總兵魏超賊目王三
級李惠等十三人投出翼序賢等一百五十餘人訊知該
匪等在南鄭黃官嶺被經畧額爾登保一路官兵打散由
羊圈關竄入川境隨後尚有李炳陳朝觀與楊開甲餘黨
由灰灘等處竄來賊勢較多該縣請派兵勦捕並稱此次
打仗軍功首領郭俸殺賊最多左目被賊牙傷壯勇亦間
有傷亡又據署巴州田文煦稟報陝省竄來賊匪四出滋

擾闖入該州所屬伍家河經元山寨圍勇堵禦殺賊

二十

三名現仍折回通江並據劉清探報各股竄匪現因通巴

境內寨洞堵禦嚴密無處掠食欲由廣蒼一帶竄赴嘉陵

江各等情

臣

等伏查自陝竄來各股匪衆被經畧一路官

兵節次痛剿均係敗殘餘孽剿賊大局

臣

曾與額爾登保

彼此札商如果將陝甘之賊全數逼入四川官兵併力圍
攻而川省各州縣寨洞自本年夏間經

臣

等遵

旨籌辦堅壁清野鄉團各勇極爲奮勇出力勦堵自易得手今川

東腹地已清陝匪甫入川境正可騰出兵力馳往川北截

勦

臣

等現已取道營渠至保甯一帶隨探隨進先行顧住

嘉陵江西面相機勦辦以冀速就殲除

諭曰王珊一股匪衆經德楞泰勒保督率將領分路兜截斃賊一百餘名生擒九十三名王珊身帶箭傷經官兵截斃餘匪向八廟橋一帶奔逸復經勒保帶領馬隊趕上衝殺斃賊一百二三十名先後生擒六十八名內有李思槐係王珊之師當卽寸磔梟示并將其餘賊目分別凌遲處死此次連獲大勝仰荷

天恩益無涯涘叩感之餘實深敬畏王珊股匪本祇四百餘名業經殲擒淨盡不留餘孽現在川東腹地實已肅清所辦甚屬可嘉且據稱與額爾登保彼此札商欲將陝省之賊全數逼入四川以便併力圍攻等語覽奏更爲深慰數年來陝甘四川湖北

各股竄匪雖疊經官兵痛勦但賊情狡猾奔竄靡常而各省帶兵大員又不免各存意見僅將該省之賊驅逼出境卽爲了事不復顧及鄰省其鄰省帶兵之員亦復如是賊匪輒轉奔竄日就蔓延最爲軍營惡習現在陝省之賊如能逼歸川省勦辦較易此等情形朕所諗知今德楞泰勒保能見及此籌慮大局可謂無分畛域方不愧大臣任事之道德楞泰著賞給綠玉帶頭綠玉喜字搬指大小荷包勒保著賞給綠玉喜字搬指大小荷包用示優獎又發去翎管搬指及搬指套各十箇一兩重銀牌五百面五錢重銀牌五百面著德楞泰勒保分賞出力將弁兵丁俾咸知感奮看來川省近日團勇事宜辦理尙屬認真各州

縣寨洞頗爲得力可收堅壁清野之效德楞泰勒保若能與額
爾登保將陝省嵒川之賊卽在川省悉數勦除廓清全境以伸
五年來朕之夙願仰慰

皇考在天之靈功大賞崇當同心加勉也署通江令徐廷鉅率勇
連次斃賊奮勇可嘉著賞給知州銜以應陞之缺陞用其殺賊
最多之軍功首領郭俸亦屬出力著以外委拔補如不願出仕
卽賞給八品頂戴以示鼓勵

恭錄

御製詩

參贊德楞泰總督勒保奏報截勦王珊賊匪淨盡川東腹

地肅清現乘勝馳往川北迎擊陝匪各情形詩誌感慰

王

珊思

李槐同傾覆川東始肅清

據德楞泰勒保奏報辦完趙麻花全股後尚有王珊一股折竄

高陽德楞泰於九月二十四日追至磨子巖斃賊一百餘名生擒賊目鍾應昆等九十三名訊據供王珊在濫泥溝被箭矛傷

斃勒保於二十六日追至觀音槽活擒旗首傅有萬等內有王珊之師李思槐當卽殲梟夥匪勦淨川東俱已肅清

人心

皆厭亂

天意欲銷兵弭患資羣力安民矢寸誠雄師連陝蜀勁旅掃欃槍

又奏稱據署通江縣徐廷鈺稟報有賊目朱九齡由陝竄至平溪霸該縣督率壯勇擊殺淹斃八九十人復有張添倫之餘黨竄入金溪河當亦殺殺一百五六十八人活擒僞總兵魏超等十三人現在德楞泰等馳赴川北搜勦潛匿老林之賊派令提督七十五由太平一帶偵探由陝闖入川省賊蹤散勦並會商陝甘帶兵大員如各賊匪逸入川境總期不分畛域併力圍勦仰望早奏捷音三益感省悉臻甯謐也

昊恩厚重敷

考澤宏卽看馳喜報三省賊全平

十五日

公偕勒保奏言臣等兩月以來督兵在川東痛勦各股賊匪零星散竄通飭各州縣嚴密搜拏茲據署開縣知縣張陳鉉稟報督同黃土槽磊石洞寨長陳希武彭朝祿等拏獲一賊到縣審訊始猶狡供嗣又續獲任三才一名指認爲白號元帥張子聰該犯不能抵賴旋卽供吐實情經該縣錄供稟報委員押解前來臣等當派備弁迎提到營卽令現獲各犯李貴芳王坤並調到先經投首賞給金頂之

伊姪張廷鳳到營逐一認明屬實查張子聰籍隸東鄉與
王三槐徐添德等同時習教起事稱爲白號經王廷詔僞
封元帥數年來率衆滋擾川東川北並陝楚各邊界今春
同冉添元等竄越嘉陵江與雷世旺庹向瑤皆爲白號首
逆自雷世旺於新店子地方經官兵殺斃該逆等竄回嘉
陵江東岸六月間與庹向瑤分夥張子聰潛匿東鄉之全
安鄉伊姪張廷鳳乘間逃出該逆本亦有悔罪之意緣心
存疑懼不敢卽投迨團勇領首羅崇遣其兄羅芳等進營
告知張廷鳳業已得官勸令及早投出該逆正與賊目李
德先等商議適有張金蓮並庹向瑤劉朝選各股前來合

夥力阻以爲不可當將羅芳等八人殺死各向太平境內奔竄張子聰因與李德先不和祇帶三百餘人欲尋唐大信合夥緣聞唐大信已被團勇殺死卽在濛濛溪一帶老林游奕手下夥黨陸續逃散所賸無多探聽湯思蛟等在柏木園屯紮卽往奔投詎九月初九日甫到柏木園山溝正遇臣德楞泰一路官兵追勦湯思蛟等股匪衆紛紛潰竄該逆卽向山洞潛藏直至三日後見無官兵始行走出扮作難民祇在山中沿途求乞欲俟另股賊匪到來再行入夥不期於二十三日至磊石洞被該處寨長陳希武彭朝祿等盤獲解縣臣等詰以習教起事及歷年竄擾地方

並與官兵節次打仗情形據供厯厯如繪該逆罪惡貫盈
訊明後卽在軍營對衆戮割仍將首級梟示犯事地方以彰

國憲而快人心署縣鹽大使張陳鉉督率寨長捐納訓導陳
希武團勇彭朝祿等擒獲渠魁審明檣送洵屬能事合無
仰懇

聖慈一併俯賜鼓勵再臣等於方山坪營次接據各路稟報李炳
陳朝觀並陝省竄來張齊辛等逆夥匪均由南江吳姚二
霸白山寺一帶向廣南交界之木門場先後折竄高家營
內顏楊二姓之賊由西鄉鹽場霸竄入太平官渡灣經該

處防守官兵擊退龍紹周一股與唐冉餘逆由紫陽折回
太平在高頭霸冉家霸一帶游奕又有大夥賊衆由楚省
房縣竄出老林已至巫山八石坪洋溪河臣等查自陝竄
入川北之賊既向木門場遁逸勢必仍回陝境則川北之
賊勢較輕七十五先聞通巴有賊業已移師往勦現向通
南一路進發似不便令其轉回太平應將川北堵勦事宜
交與七十五前往相機辦理臣等自不便以重兵俱往川
北現在太平大甯巫山一帶既有賊匪自陝楚竄入刻下
又以川東邊界爲重臣等卽改道由東鄉太平一路進發
俟至前途確探賊蹤官兵或分或合另行熟商籌勦

諭曰張子聰爲著名首惡竄擾日久今被盤獲指認屬實德楞泰等將張子聰對衆斬割所辦甚是看來事機已順而朕所尤欣慰者更在德楞泰等帶兵前赴川東勦辦一節昨因明亮等奏楚省藍黃白線四號賊匪竄入川省大甯其川東菱巫一帶雖經德楞泰派有副將褚大榮在彼防堵尙恐兵力較單不能攔截正深廑念因德楞泰等正在川北勦賊相距較遠未經降旨諭及已令額爾登保揀派大員酌帶兵力並將長齡所帶吉林黑龍江勁旅接管速赴大甯協勦終恐緩不及急今德楞泰等接據稟報酌量情形以川東邊界爲重卽改道由東鄉太平一路進發兼顧川東所見甚是深爲可嘉著賞給德楞泰貂皮馬

褂一件賞給勒保烏雲豹馬褂一件以示優獎此次將張子聰
拏獲之寨長捐納訓導陳希武團勇彭朝祿於該逆扮作難民
求乞潛竄時能留心盤獲俾首逆早正刑誅尙屬能事陳希武
著加恩以六品州同等官陞補團勇彭朝祿著加恩賞給千總
如伊等情願出仕卽准其補官效用若不願當差卽賞給頂戴
榮身用示鼓勵其署縣鹽大使張陳鉉雖未親自拏獲張子聰
但該逆到案後卽時審鞫究出實情尙屬細心著加恩遇有應
陞之缺陞用至德楞泰現已帶兵前赴川東而額爾登保所派
官兵自亦接續到彼所有該處四股竄匪正可兩面夾擊乘勢
截勦德楞泰等務須倍加奮勉卽在川東地方迅速勦淨斷不

可復逼入楚地一經殲獲渠魁卽行加緊馳奏必當加之重賞
其張子聰手下逃散餘匪若不亟爲安集輒轉潛匿恐致餘蘖
復萌已另降諭旨令勒保等督率地方官實力訪察妥爲安頓
矣

同日公偕勒保又奏言臣勒保前奉

上諭令將知州戴如煌提至軍營詳悉研鞫按律定擬具奏伏查
豫楚川陝各處邪教滋事大率皆以官逼民反爲詞而達
州知州戴如煌尤爲衆所指摘臣等前此先後來川剿賊
均有所聞緣無實在確據是以未及嚴參上年臣勒保奉
旨查辦遵卽徧加訪察僉稱該牧老病無能一任書差黃登彥王

國學等狐假虎威在外滋事以致民怨沸騰業經據實復奏竊思教匪起事至今四載荼毒無數生靈神人共憤如果戴如煌以查拏邪教爲名勒索銀兩得有確據則係啟鑿罪魁斷不敢任其輕縱適於現獲各犯內有達州人數名逐加訊問均未有被詐贓據惟李士懷則與王學禮同時起事據稱嘉慶元年秋間該犯曾經出銀二十兩與王學禮轉交總差頭王國學馬貴二人收去得免查拏是勒索已非無據查戴如煌尙在重慶並未回籍州差王國學先經被賊殺死馬貴則必有其人一面札飭重慶府石砫玉查拏戴如煌解營一面密札現在達州總理糧餉之永

甯道陳預再行確查並拏馬貴解審去後嗣據該道稟稱
達州上下兩班九房書辦及壯快捕阜各役原有四千餘
名尙有戴如煌任內卯簿可稽至劉佳琦接任始行大加
裁汰是戴如煌任內濫設衙役實已確切無疑差頭馬貴
已於嘉慶二年病故無從傳訊其查拏邪教藉端索詐之
處緣習教之人俱已同時入夥爲逆實在無從查考等語
嗣據重慶府將戴如煌委員押解到營臣等親加嚴訊據
供達州書役向係四季輪班因典吏差頭節次稟請添募
實有四千餘名之多嘉慶元年邪教起事之先有鄉約胡
涿言於九月十三日赴州稟報戴如煌因其無據卽面斥

其非並未責打是晚該鄉約又稟有製辦火繩實據當卽派差拏獲羅啟文李大防等數人起出軍器號片各匪因事已敗露旋於十五日拒捕造反質以查拏邪教詭詐銀兩一節堅稱乾隆五十九年係奉福康安派委茂州知州徐麟趾等前來查拏均經解省審辦嗣於六十年又奉孫士毅行知以四川邪教應俟平定苗疆再行查辦自此不復再拏實無得銀縱放之事惟書役人數本多在外藉端訛詐實恐覺察難周但身爲地方官邪教充斥不能先爲防範卽屬咎無可辭祇求從重治罪等語臣等又提賊匪李士懷與之質對該犯亦稱實在出過銀兩爲衙門使費

是否係州官收用不敢妄供查王學禮早經拏獲正法王國學馬貴二人又先後被戕殺故此外更無可質證之人若以此卽坐戴如煌以貪污激變之罪不足以折服其心惟查該員於乾隆五十三年初到達州時因盤費不敷將衣服交與差頭張居式王國學等赴省變價至累差役貼賠經前督臣李世傑查出撤回未經參辦是該員之聲名到任卽屬平常又查該員現年七十八歲從前卽因年老多病不能辦事每逢緊要案件常調所屬東鄉新甯兩縣令赴州代辦今既查明該員任內書差卯簿竟有四千餘名之多一任伊等在外詐錢滋事釀成邪教謀逆巨案未

便因其查無貪婪切實證據致有輕縱相應請

旨將戴如煌卽在達州枷號三箇月滿日發往伊犁充當苦差子嗣不准出仕以示懲儆

諭曰前因戴如煌老病無能任聽書差在外滋事以致民間多有怨言凡習教之人無不遭其索詐不能安身遂萌異志是戴如煌實屬激變啟釁罪魁不可不嚴加懲治因降旨命勒保提至軍營審辦今據德楞泰勒保訊明戴如煌雖無貪婪實據而檢查任內書差卯簿竟有四千餘名之多任聽藉端訛索以致達州教匪首先滋事未便因無索詐入已確據致有輕縱戴如煌著照所擬辦理以示懲儆

十一月初六日

公偕勒保奏言竊

臣等於本月初七日行抵清花溪據報

由陝竄來高家營內顏楊二姓之賊自太平官渡灣被兵

勇擊退又從簡池壩闖入通江界內龍紹周與唐冉餘孽

俱由高頭壩折竄陝境老林維時太平境內已無賊匪

臣等查簡池壩距清花溪不過四站自應就近分兵先往勦

辦惟楚省折回之賊在巫山大甯邊界遊奕若一入雲開

向萬縣新甯等處奔逸恐腹地又遭蹂躪是以商定

臣德

楞泰卽赴簡池壩一路進剿

臣勒保取道新開遏賊西竄

初十日

臣德楞泰甫至通江竹峪關探知賊聞大兵前來

卽連夜奔回西鄉辛子山旋據通巴一帶文武稟報陝境之賊又折回數股經劉清徐廷鉉等派令縣丞職銜劉炳從九品徐若瀛帶領壯勇五百名並前在鮮大川夥內投首之王登忠輩貴趙思朝等十八人假扮教匪模樣初四日在通江縣芝坪地方適遇楊開甲之弟楊開第一股賊匪千餘人竄來王登忠等詐稱鮮大川餘黨被官兵衝散情願歸附同行楊開第令其暫紮邊營明日點驗劉炳等恐被窺破卽於三更時先令王登忠等潛入賊營到處放火各壯勇齊聲呐喊直前衝殺黑夜中賊衆驚亂奔逃自相踐踏追殺五十餘里至烏林埢時已天明因賊匪遠颺

不便再追統計殺死及跌斃賊三百餘名投出男婦周太
鼎等一百三十七名口搶獲馬驃槍礮刀矛旗幟甚多並
據周太鼎等供稱楊開第尹老掌櫃俱受傷棄馬而逃僞
先鋒杜星貴已被截死當卽指認屍首屬實又據署巴州
田文煦稟報初六日有李炳陳朝觀殷內分出賊匪至棗
林地方乘夜摸暗經署州判羅德嚴把總陳安邦等帶領
兵勇堵截密令前此投首之楊仕山鮮文屏等帶人於四
更時混入賊隊放火賊衆驚潰殺賊三十七名摸水淹斃
十餘名生擒耿貴等八名至七十五一路官兵於初五日
抵南江范家山探聞楊開第一股由陝竄來被通江壯勇

擊敗竄至關門子與辛聰齊國謨張添倫等股合夥七十五卽連夜發兵進剿賊分兩路抵抗一在溝內埋伏一在空山嶺山腰呐喊誘敵七十五先派都司蒲佑盛等帶領兵勇進溝將伏賊搜殺殲斃五六十人繼卽統領馬步隊搶上大嶺追殺三十餘里至小寨地方共計殺死及滾燬跌斃賊匪三百餘人生擒唐涿章等五十三名餘向石觀霸竄去七十五又帶兵追蹤十一日戌刻抵麻柳灣賊在陳家峽屯紮相距不過十餘里正擬五更發兵詎該匪等於二更後竟分三路前來撲卡將鄉勇頭卡攻破又復圍擾副將張良槐都司蒲佑盛營盤七十五卽帶兵奮力轟

擊斃賊五十餘名生擒十二名蒲佑盛左手雖受矛傷尙能悉力堵禦營卡得保無虞訊據活賊鍾治谷供稱係李炳與張添倫辛聰等商量如果此次偷營得手卽赴保甯一路欲過嘉陵江若不能得勝仍回陝西等語七十五於天明後發兵追勦賊衆捨命狂奔分作兩股竄逸一由大
小霸竄入陝境一由西河口折赴通江臣
德楞泰聞信後卽星夜馳往截擊十五日抵平溪壩正遇李炳等一股賊探十餘騎奔來一見官兵卽踉蹌折竄經賽沖阿阿穆勒塔率領頭隊馬兵趕緊追逐箭斃三名生擒五名訊知李炳等因廣元南江一路官兵堵勦嚴密不能竄出保甯張

辛等逆已回陝境該匪欲由通江至巴州儀龐等處竄往順慶可圖掠食

臣德楞泰卽由梓潼廟繞出賊前十八日

辰刻至柳林溪正值賊匪竄至我兵迎頭截住賊匪見兵

卽逃由兩河口撲水過河官兵亦卽跟蹤躡渡趕勦一百

二十餘里直追至西鄉之石虎壩共計殲斃賊匪二百三

四十名淹斃者亦多生擒曹繼開等一百十三名據稱槍

斃賊目楊總兵不知其名

臣德楞泰本擬卽向陝境追去

緣接

臣

勒保知會楚來之賊已由開縣遁入太平楚省旣

無兵追來自應先顧其急且川北境內現無賊匪當卽札

會七十五令其在通南邊界扼要暫禁探明何處賊來卽

赴何處截剿

臣德楞泰卽帶兵直趨於二十二日至八臺

山後槽地方與勒保會合至

臣勒保自清花溪分兵以後

十一日趕至新甯途次接據總兵永甯託雲泰稟報湯思

蛟劉朝選等所賸

三百餘人遁入老林由紅池壩至南天

門一帶竄遁該鎮等追至核桃壩

據報後路徐家壩有楚

省竄來大夥匪衆恐腹背受敵卽帶兵轉回初三日已刻

至徐家壩匪衆正在起營該鎮等卽分兵兩路追襲殺賊

一百三四十名生擒李潮元等三十五名訊係黃白藍三

號及樊人傑一股合夥竄回惟線字號張姓賊目一股被

馬兵衝斷未來該鎮等正在追趕之次又據大甯場鹽大

使米喬齡專差前來告急附近鹽場之舌條嶺隘口有賊
一股由楚竄至經都司沙念聖帶兵擊退賊又從西溪河
竄來距場不遠必欲暫請赴場截勦該鎮等以大甯鹽場
煙火萬家未被賊擾今賊竄將近未便置之不顧當卽密
派參將田朝貴馬應國抽帶兵勇千名在百六溪洞口埋
伏賊果由北竄入我兵槍石並發斃賊七八十名餘衆驚
退卽由界嶺折回永甯等仍卽帶兵西來追勦樊逆等夥
之賊查該匪等自大甯尖山壩竄出沙沱子經雲陽開縣
兩處團勇截殺殲獲二三十人至十餘人不等復由羊子
嶺大梁等處竄出十二日至開縣之大旺山正欲從臨江

市奔竄新甯至梁墊一帶滋擾適遇臣勒保帶兵趕到賊

卽連夜由燈草壩竄入東鄉之黃土壩我兵卽取道普光

寺迎截賊又折竄太平輾轉奔逃十九日永甯託雲泰之

兵適由溫湯井一路來至白沙河臣勒保亦到該處探知

賊在天池壩屯紮卽連夜分兵三路進剿該匪等恃其人

衆直前抵拒官兵左右衝擊相持兩時之久槍箭所到斃

賊六七十名並射死執旗賊目一名賊始潰遁俱奔上八

臺山我兵乘勝追殺直至後槽地方沿途殺死賊匪二百

餘名生擒廖貴等一百零四名訊據供稱白號樊人傑王

谷賢黃號徐萬富藍號王世虎並線字號張元帥不知其

名自到湖北去後在遠安地方與李大人官兵打仗得勝
原想到荆襄一路因聞湖北新到馬兵利害不敢下去就
在遠安竹谿房縣一帶摸稽據人在上龜地方忽被馬兵
趕來衝殺樊人傑等卽連夜逃至川境惟線字號衝斷未
來樊人傑等商量本要由新甯梁山一路下壩過嘉陵江
因到開縣觀音山聞大兵從新甯前來就翻山過東太境
內躲避等語當將從賊日久之張有旺等六十八名卽行
正法餘俱被擄訊明釋放並據署城口主簿張雲漢稟報
張子聰之分股餘匪李德先從陝西敗回圍攻楊家寨經
該主簿督率團勇擊退擒獲僞總兵汪固嘉次日追勦在

三聖寨夾溝埋伏斃賊六七十人奪獲馬牛十八頭匹又
徐添德一股自南溪竄入川境疊次攻撲城口之太和寨
並經該處團勇竭力抵禦槍斃賊匪多名仍竄過陝西漳
河地方臣勒保因八臺山之賊旣竄後槽其勢非奔開縣
卽走城口正擬進兵追勦間臣德楞泰趕到接據探報徐
添德苟文明等有由漁渡霸竄入太平之勢正可合力馳
擊又據夔州文武稟報自楚竄來後股線字號賊匪已從
大昌竄入雲陽沙沱子地方勢必又至開境臣等現在商
酌如果此股亦由太平竄來正可聚而殲洗若西竄新甯
必須分兵截擊斷不使該匪又入川東再擾腹地致有蔓

延

同日公又奏言竊

臣於竹峪關營次奉到十月初一日

諭旨並蒙

頒賞祀

神糕一分奶餅一匣跪誦祇領感悚難名除將

恩賞分頒會同勒保另摺叩謝

天恩外伏念臣當兵出身毫無知識仰蒙

高宗純皇帝不次擢用復荷

皇上矜全教誨任至參贊將軍極人臣罕覩之遭逢皆犬馬難圖
之報稱乃自統兵勦賊以來臣遠在軍營前歲

純廟上賓鼎湖龍馭攀號無從復未能迅奏膚功早慰

孫批朕不能早慰

在天之靈

皇考在天之靈誠爲不孝汝與勤保亦難免不忠之罪酬

聖主之澤撫衷循首負咎實深每維祇謁

山陵趨覲

帝闕均係臣刻不容緩之隱私茲沐

鴻慈體卹

訓示殷肫跪捧

恩綸涕泗並下當傳集闔營將士敬將我

皇上教孝教忠之至意明白宣喻自將領以至兵勇靡不同深感動泣下交頤竊此次辦理軍務一切緊要機宜皆蒙

睿慮預籌詳晰指示俾臣等咸知遵守用能改積習而勵軍心以
刻下軍務情形而論洵屬大有起色本無掣肘之事又安
有窒礙難言之隱乃荷

淵懷垂詢飭令據實直陳

臣

益不禁欽佩感服之至查川楚陝三

省賊匪奔竄靡常自夏秋以來經各路官兵悉力殲除十
去六七此時股數雖多但俱係敗殘餘孽勢皆窮蹙臣早

與額爾登保札商自以全數逼入川境爲正辦現在楚境

之賊俱已入川

朕批甚是

該省業經無賊正須全力責以堵禦臣已

飛咨姜晟倭什布務於川陝交界地方扼要嚴防毋任東
竄至陝境卽日肅清之後想額爾登保自必將該省守禦

事宜布置周密再行來川督辦維時川境又添各路征兵
專司勦辦更易爲力查刻下川省現有征防兵勇共二萬
餘名出敵者祇有萬餘昨接額爾登保咨會將阿哈保一

路現帶官兵二千有奇撥令回川並挑撥甘肅營馬數百

匹前來足資濟用況陝楚賊匪旣須全逼入川是陝楚兩

省重在堵而不在勦川省重在勦而不在堵且查自廣元

以至巫山凡與陝楚交界之處縣亘三千餘里本不能處

處設防多則徒費兵力少則更不濟事惟嘉陵江西岸必

須添設兵勇遏其西竄至臣現與勒保在太平一帶籌勦

川東邊界之賊恐該匪等被勦情急又復東竄官兵勢難

抄前迎截查明亮一路之兵現奉

諭旨飭令赴川協勦刻下尙未入境自係該省防堵事宜尙須會同料理臣現已咨會先將前撥李紹祖帶去兵勇三千餘

名撥出派員由大甯一路管帶前來即可就近迎截惟念陝楚之賊分逼入川陝楚之兵均必跟蹤追勦糧餉亟須豫籌查川省糧運事宜辦理本覺安速現經勒保督率州縣臺站源源儲備並於各寨洞預爲存貯官兵隨到隨供從無缺誤卽或深入老林寨洞希少不能處處充盈尙可設法籌辦推餉銀缺乏時形掣肘刻下川省軍需除兵勇月餉運糧腳價等項之外實無絲毫浮費但需用既多勢

難拖欠現聞司庫並無存銀先經勒保奏請

賞撥自邀

聖慈鑒察第念此後賊聚於川大兵雲集萬一餉用不敷當此功

虧一簣之時未免可慮緣蒙

垂詢用敢據實直陳

臣

具有天良惟知勉力帶兵殺賊現與額爾

登保交相勸勉儘力將川陝境內之賊務於年內將大局

辦完卽有一二未盡餘氛尙須搜捕並酌辦善後等事總

當於明春趕赴

闕廷瞻覲

天顏並於四月間隨侍

聖駕叩謁

裕陵庶遂依戀微忱耽斷不敢稍有遷延自取罪戾

硃批勉力辦理切勿空言塞責

又

諭曰據稱德楞泰由簡池壩一路進剿勒保由新開一路進剿伊二人分辨之處朕早已料及但旣經分路何難各行具奏乃俟伊二人會合後始聯銜奏報以致遲延二十日之久不特朕盼望殷切卽內外廷臣亦俱傳爲詫異況本年春間有賊匪偷渡嘉陵江之事今奏報遲遲易啟猜疑伊二人何不曉事若此至另摺所稱各路兵勇分投堵剿陝楚竄來匪衆不令闖入腹

地並咨會姜晟倭什布等於川陝交界扼要嚴防及嘉陵江添設兵勇遏賊西竄所辦俱是但德楞泰等既知與額爾登保札商將賊匪逼入川境爲正辦何以張辛等逆又令其竄回陝境耶又所稱陝楚兩省重在堵而不在剿所論甚是至川省重在剿而不在堵之語尙未盡善川省各股竄匪自應痛加剿殺但亦須邊界要隘防堵嚴密賊匪無從竄近腹地漸逼漸緊方可剗除淨盡豈可令其在境散漫是川省固重在剿而亦兼在堵摺內已用硃筆改正至劉炳徐若瀛羅德嚴陳安邦張雲漢及投出之楊仕山鮮文屏王登忠等誘賊出力著德楞泰先行存記俟再有出力卽請加恩都司蒲佑盛手受矛傷尙能奮勇堵

欒不令衝破營卡甚爲出力著以應陞之缺陞用川省軍餉又
已撥給成功在卽軍需自較增添朕必當豫爲籌計不待伊等
奏請但須撙節支用不可稍有糜費亦不得過事苛刻致兵丁
多有苦累並著遵照前旨將勦賊情形隨時具奏以慰塵注

十七日

公偕勒保奏言查黃藍白三號及樊人傑一股賊匪自經
官兵於八臺山剿敗之後忽分數股向水古壩干江河白
果壩王家壩甘龍礮等處老林內四散奔竄其意總欲在
萬山之中牽綴官兵臣正擬分兵截擊緣後路漁渡壩據
報有徐添德苟文明自陝竄至而由楚竄來後股線字號

賊匪已從沙沱子關入開境又將擾及川東腹地必須先

爲兼顧

臣

等當派賽沖阿永甯帶兵兩路先行進山追勦

樊逆等股

臣

德楞泰由馬鬱嶺一路迎勦漁渡壩竄來之

賊

臣

勒保由七里溝一路探勦沙沱子之賊均於二十四

日先後發兵二十六日

臣

德楞泰至馬鬱嶺探知陝來賊

匪正在諸葛壩一帶滋擾卽分兵三路截擊詎賊聞兵至

連夜翻瑪瑙山竄遁我兵僅追及賊尾殲斃三四十名擒

獲伍日美等二三十名訊知此股並非苟徐二逆乃係楊

開甲符曰明夥內勦賊餘孽賊目楊奉朝伍總兵帶有七

八百人向在西鄉鹽場閑遊奕近聞徐添德要回四川遂

假充該逆名號來至太平境內

臣

德楞泰因日下賊氛潰

散無論著名與不著名之賊總須一律辦完當卽督兵追躡二十九日追至大竹河地方正值匪衆躥淺過河隨督溫春阿穆勒塔色爾滾馬瑜等帶領馬步官兵儘力追趕該匪捨命狂奔殲戮並淹斃二百數十名生擒男婦黃連秀韓嚴氏等一百十七名口餘匪遁入黃草梁老林當據稟報賽沖阿一路官兵於水古壩地方遇見黃號徐萬富一股殺斃賊匪一百三十三名生擒吳以福等四十五名永甯一路官兵於邱家灣地方遇見王世虎分出夥黨數百人圍攻該處寨洞該鎮帶兵擊退斃賊七八十名生擒

曾廷桂等七十四名

臣

勒保於二十七日至七里溝探知

線字號股匪由長店房竄來並未敢至開縣大道係翻雪

泡山向雞鳴寺一路奔逸

臣

勒保卽連夜督同薛大烈花

品等由大灘口倍道抄出賊前迎擊二十八日未刻至漢

場河正值賊衆竄來一見官兵竟敢占住山梁呐喊抵敵

我兵奮勇直上槍斃執旗賊目並馬步賊十餘名餘衆潰

遁向明通井王家壩一路狂奔我兵追殺四十餘里沿途

斃賊一百餘名生擒李玉潮等八十六名訊知此股首逆

係張金蓮與線字號餘匪共有千餘人自湖北竄來我尋

樊人傑等前股之賊現欲奔赴城口一帶合夥等語

臣等

連日在太平境內分路督兵打仗統計殺賊六百餘名生擒三百四十五名搶獲賊旗槍矛三百十八件牛馬一百三十餘頭匹現獲之賊均各訊明將從賊日久之黃連秀等二百十一名卽行正法餘俱被擄未久各給銀米路票省釋又七十五一路官兵先經臣德楞泰令其在通南邊界扼要暫紮嗣據報稱十月十七日有楊開第及李炳股內之賊竄至瓦子坪該提督卽於十八日督兵前往截擊該匪恃衆抵抗經三路官兵奮力痛殲直追至南鄭境內花石梁地方殺死僞總兵張子訓田俸並夥賊二百餘名生擒孫開榜等七十三名搶獲刀矛旗幟二百三十餘件

續據報稱該匪等在梅子壩經陝省官兵截回由靈官塘竄至廣元大桃樹壩七十五恐其奔竄保甯現已帶兵馳往截擊臣等因大平境內之賊日來被勦情急俱零星竄向東北城口奔逸該處俱係老林在在與陝省安康紫陽連界並通大甯開縣等處若以重兵前往追勦不特老林以內糧運維艱且恐驅之入陝然亦未便任其在山內遊奕是以臣等相約移營至白果壩地方會同籌畫臣德楞泰卽統領馬步官兵直趨城口偵探賊蹤如果有逸入陝境之賊聞經畧額爾登保現在班鳩關一帶相距非遙正可約會兩面夾擊儻額爾登保已移師遠去臣德楞泰亦

當設法兜截回川老林路徑險窄兵力難以施展總當驅之出山至太平開縣境內痛加勦殺自易爲力至臣勒保

因城口爲川陝兩省交界賊匪出沒之所向無存糧均須

由太平運往刻下餉銀未到各州縣運腳大半拖欠夫驛

裹足不前大兵一進城口斷難枵腹從事是以暫在後路

太平官塘灣一帶駐紮督率總理糧餉及地方臺站各員

將夫驛等項雇備齊全並設法籌措餉銀現已飛飭司道

於省城重慶達州三處向商民暫借銀數萬兩並咨商陝

楚兩省就近酌借俟粵餉及續撥餉銀經過陝楚時卽行

截還以期早日應用並商定俟臣德楞泰到城口後擬派

總兵託雲泰帶領兵勇三千名在渡口場一路駐守以杜賊匪折竄老林之路惟因現帶之兵不敷分撥查副將褚大榮前令其在夔巫一路堵禦該處地勢散漫斷非千餘兵勇所能濟事况此時陝楚之賊方思逼入川境夔巫境內似不必設兵嚴防已令褚大榮卽由大甯取道核桃壩一路來至城口儻有散賊潛匿老林可資搜捕臣勒保一面酌留兵力暫駐太平後路籌辦糧運並策應諸路川北一帶現有七十五在彼何處有賊卽往何處截擊并令督辦江防不致稍有疎懈

諭曰此次賽沖阿永甯先行帶兵追勦樊逆等股德楞泰復與勒

保分路截勦漁渡壩沙沱子兩股賊匪在大竹河漢陽河地方各奮力追勦俱有斬獲共殲賊六百餘名生擒三百四十餘名其七十五一路亦有殲擒所辦甚好至巫夔一帶既去賊蹤較遠自應將原駐之員移向要隘處所實力防堵惟所稱太平境內之賊被勦情急俱向東北城口一帶奔竄該處俱係老林自當驅之出山以便合力勦辦但必須設法逼攻使賊匪無可容身方可乘其散出截殺淨盡若僅託之空言與賊相持再閱旬日德楞泰又必以正值冰雪難以進兵爲詞而勒保或又以糧餉不繼駐劄籌辦互相藉口是驅令出山籌辦糧餉二語竟欲爲年內展限地步似此怠惰因循恐難辭罪德楞泰勒保務須

各知奮勵逼賊出山痛加勦殺使糧運源源接濟毋再延緩

二十六日

諭曰據長麟等奏川省各股賊匪竄近陝境經長麟慶成督率兵勇或扼要堵截或迎頭擊勦將匪衆逼回川境邊界而冉添元樊人傑大股夥匪搶渡過江者有千餘人是川境腹地尚有何賊德楞泰勒保自十七日奏截勦漁渡壩沙沱子兩股賊匪後至今未見續有奏報未知現在何處勦賊此時正關緊要豈可任意玩延所有川省邊界折回竄匪務當設法兜截勿令滋蔓至軍營打仗兵丁最爲辛苦上年松筠在陝甘時曾自請捐廉製備衣履賞給兵丁近來未見各督撫奏請捐賞當此冰雪沴

寒之候兵丁等從征日久衣履恐有不全殊深廑念前經發給該省銀六十萬兩著於此項內提出銀一萬兩傳旨賞給兵丁爲寒冬添補衣履之用俾三軍咸知感奮以期一鼓集事德楞泰勒保務當遴派隨營文員實心經理並將動支數目造冊報部查核令兵丁等均沾實惠

十二月初一日

公奏言竊臣前在太平白果壩與勒保會同籌勦勒保暫回太平臣卽帶兵直趨城口進發十一月初八日行至平壩三灣接據署城口主簿張雲漢稟報該處賊匪聞大兵前來又被團勇截殺已經遠遁現在城口地方已無賊股

滋擾因恩城口地居萬山之中爲太平紫陽平利大甯四

邑往來適中要隘歷年以來各逆藉爲藏身之藪現當賊

勢萬分窮蹙之際若無兵駐防則各匪往來屯踞其間而

兵至賊去兵去賊來殊多窒礙當令總兵託雲泰等帶兵

勇三千名在彼擇要拏營以杜賊匪竄陝之路並可搜剿

山內餘匪正在哨探賊蹤間接長麟移稱據南鄭城固西

鄉等縣稟報前在花石梁螞蝗溝鍾家溝旗桿山細辛霸

等處竄擾各匪均已先後逼出陝境但仍再界嶺一帶老

林內遊奕尚未遠去又接提臣七十五來信以現在川北

賊匪時欲窺伺廣元蒼溪一帶江岸賊衆兵單恐難兼顧

硃批

此二句包括已盡難辨處正為此

爲此

爲此

爲此

爲此

爲此

爲此

各等情查太平山內各逆業已遠屬

臣

自不便遠涉城目

致疲兵力且川北已有數股賊匪尤應先其所急况邊界

老林之賊未便令其盤踞自應逼令入川亟爲勦辦但我

兵若由太平大道直赴川北又恐邊界之賊聞風入陝

臣

遂由西鄉之漁渡壩簡池壩等處邊境行走繞出賊之北

面逼賊

珠批好

南向十八日趕抵南江之舊城探得楊開甲等三

姓餘黨並李炳陳朝觀兩股合夥每股數百人千餘人不

等約共三四千人聞我兵由東北而來不敢零星散處合

爲一股由廣元蒼溪境內走南江之元潭子巴州之南亞

場華溪寺一路向東奔逃七十五因廣元旺蒼壩等處尙

須搜捕零匪且可就近防顧江岸未便遽行移動

臣又擬

給兵一千名卽令其仍在蒼廣南巴一帶擇要駐守搜捕

餘匪可以照應江岸並遏該匪由川北竄陝之路

臣卽帶

兵星夜前進查楊陳李等各逆業已東走非竄東達雲開

卽去通江太平勒保因聞賊有東趨之信已由太平趕至

東鄉

臣卽札致勒保由東鄉探迎截擊

臣帶兵卽自西北

而東正可收兩面夾攻之效務期將此股賊匪卽於川境

內趕緊掃除斷不令其復又他竄頃又接據張雲漢稟報

太平接壤陝境之修溪壩高觀寺等處又有賊匪滋擾不

知首逆姓名現已稟明託雲泰各等語查太平山內團勇

素爲得力現又添駐官兵聲威更盛當已飛札託雲泰等
會同張雲漢多集該處團勇分投堵勦務須就地掃除否
則亦當逼入川境總不可令其再行折映現在各逆無非
敗殘餘匪自知罪惡貫盈滅亡在卽見兵卽逃惟以狂奔
爲苟延殘喘之計臣旬餘以來自東北而西南西鄉邊界
一帶並無賊匪未得接仗憤懣焦急茲已幸得將各匪逼
令夥聚東竄惟有趕緊勦除萬不敢稍予以暇自取遞延
之咎

諭曰德楞泰半月以來未有奏報日深廑念嗣據勒保奏德楞泰
統師進山節據探報賊匪在川陝邊界老林輾轉奔逃德楞泰

派令總兵託雲泰駐防城口卽自帶馬步官兵采入陝境追蹤
嗣在西鄉地方有賊乘夜偷撲營盤當卽督兵擊退大獲勝仗
等語方以德楞泰捷報當已在途或因機道阻滯尤深盼切乃
閱本日奏報不但未獲勝仗且往來奔逐竟未與賊接仗其所
稱由西鄉邊境行走繞截賊匪逼令夥聚東竄之處不過敷衍
空言且摺內祇稱楊開甲等餘匪及李炳陳朝觀兩股現在東
竄而於黃白藍線各股匪絕不提及看來德楞泰於此等大股
賊匪並不能實力攔截縱令竄出川境不過以截回小股支吾
搪塞又憚於赴陝惟藉稱川賊未經勦淨留爲跔腳地步或伊
在西鄉於賊劫營時竟至挫折失利未敢據實奏出而勒保輒

以德楞泰奮力擊退大獲勝仗具奏若非勒保採報不實卽係德楞泰有意隱瞞思掩其挫衄之咎以致伊二人前後所奏互相矛盾二者必居一於此德楞泰勒保均著傳旨申飭並著將因何奏報不符之處各行明白回奏

初六日

諭曰楊開第等均係小股有勒保七十五在川一督提總戴勦辦其黃白藍線等大股德楞泰既不能在川勦盡卽當跟蹤赴陝幫同勦捕方爲無分畛域乃德楞泰心存諉卻竟將大股敵衆委之陝省以致賊匪竄至漢江北岸額爾登保不能不移兵赴勦近又會合冉學勝等欲向商州一帶奔竄陝境官兵爲所

率綴假令黃白藍線不逼入陝省則額爾登保在漢江南岸督
勦徐添德等卽不能乘間竄楚是一年以來勦賊將有頭緒又
因德楞泰等堵賊不力致全局又形散漫德楞泰勒保縱賊之
罪實無可辭德楞泰係一等子本應斥革姑念今春在嘉陵江
以西勦賊尙爲出力著加恩降爲一等男稍示薄懲勒保前經
賞給二品頂帶亦著降爲四品頂戴暫留川督之任以觀後效
德楞泰接奉此旨如楊開第等小股已經歎淨德楞泰卽速赴
陝勦辦漢江南岸之賊若川境零星小股尙未辦竣亦卽交勒
保七十五二人上緊勦捕漢江南岸賊匪高三馬五二逆最爲
兇悍德楞泰帶兵到陝如此股賊匪尙在該處屯聚德楞泰卽

應奮力勦殺務將此股迅速殲除若高馬等股有機運入楚之勢德楞泰應權其輕重帶兵赴楚會同倭什布等勦賊如果將徐添德等逆迅速翦除尙當格外加恩若又令竄回陝境再有蔓延恐不能當此重罪

初九日

公偕勒保奏言竊臣前在西鄉邊境逼賊入川因探知楊開第李炳等五股匪衆合爲一夥向巴州南亞場一帶東奔當卽督兵星夜追勦臣勒保亦探知此股賊匪人數衆多亟須迎頭攔截適將劉朝遷股內勦賊餘匪辦完亦卽帶兵追擊查此夥賊匪自甯羌廣元南江直躡巴州沿途

並不殺人放火行走甚速

臣德楞泰連日緊追雖將落後

賊匪及逃出難民殲獲百餘名而其大夥亡命狂奔正慮

前無攔截適

臣勒保於二十七日行抵渠縣余家壩探知

賊至佛樓寺地方係走營渠大道當卽派令總兵薛大烈

副將張績倭星額等帶兵由復興場右手壓梁而進

臣督

同阿哈保永甯侍衛花品莫爾歡保塔什拉並副將唐朝

臣田朝貴參將羅聲皋等直趨佛樓寺大路均於四更發

兵黎明將到安仁溪正遇賊匪採馬七八十騎步賊數十

人歌唱而來薛大烈在山梁瞥見讓令過去旋卽帶兵下

山截住適

臣與阿哈保前隊馬兵趕到該匪等始猶衝突

繼見官兵勢衆卽折身奔逃我兵長驥追逐薛大烈亦卽迎截前來當將此起賊探立時擒殺淨盡臣勒保因該匪

等大隊在後旣無賊探報信必不知前有官兵正可出其

不意痛加截殺惟令各官兵掩旗疾走行未數里至騎龍

寨亞口見對面山梁賊衆紛紛而下一見官兵卽搖旗呐

喊放槍抵敵我兵槍礮齊發奮力下壓將山溝賊匪鐵鎗

數十人餘皆奔上山梁悉力抗拒阿哈保薛大烈永甯帶

領馬步官兵不避槍石首先搶上大梁射死執旗騎馬賊

目二名殺賊十餘名餘衆大潰追過大山數重自渠縣安

仁溪至巴州之兩臺山約行一百二三十里時已昏黑沿

途殺斃並跌巖身死者約有一千四五百名生擒七百七
十三名凡經過之雷成寨插旗山九嶺寨等處國勇均下
寨幫同截堵悉聽其搶獲牛馬行李包裹無算歡聲動地
官兵奪獲大礮一箇槍矛器械三百八十六件大小賊旗
二十八面驟馬牛四百五十五頭匹均經分賞出力兵勇
於活賊內訊出黃號齊家營股內僞總兵熊魁元藍號李
炳股內僞先鋒苟文忠採馬頭陳國才白號楊開第顏勝
可魏棒棒股內採馬頭何才龍升張永富等六名並於賊
屍內認出藍白兩號旗首楊元左有貴採馬頭陳宗可方
得中等四名臣勒保一面審辦現獲各犯一面派兵搜山

當令阿哈保薛大烈挑帶馬步官兵卽行追蹤該匪等經此痛勦亡命而奔竟連夜翻山向儀隴境內竄逸

臣德楞

泰是夜至靈岡寺聞

臣

勒保一路已將賊衆截住得有勝

仗並探知賊匪蹤跡在水岔溪一帶相距不過二三十里

恐賊知覺隨紮營低窪山坳並傳令夜間不許舉火查該

處道路分歧因分兵兩路於二十九日寅刻進發溫春阿

穆勒塔色爾滾帶領侍衛阿納保蘇爾紳總管富登阿副

將蒲尙佐參將李應貴等督率馬步兵勇由右手水岔溪

前進天甫黎明抵走馬坪卽趕上賊尾遙見賊衆蟻聚趙

行我兵直前勦殺斃賊十餘名該匪大夥竟敢占踞大埡

口搖旗呐喊放槍拋石捨死抵敵溫春等當令步兵在前
仰攻馬隊由山溝繞出賊後奮勇夾擊賊見前後皆兵立
形慌亂我兵乘勢搶上斃賊百餘名侍衛蘇爾紳帶索倫
兵數名衝入賊隊連斃馬賊十數名復有騎馬賊數人持
矛直撲蘇爾紳身受矛傷幸不甚重當經色爾滾等督兵
衝射賊始退卻馬步官兵奮力趕追沿途斃賊百餘人餘
賊向儀隴觀音河遁逸維時臣德楞泰正督率賽沖阿馬
瑜侍衛富僧德達爾精阿慶昌副將達自祥參將唐玉龍
等由梨山場趕抵觀音河當卽迎頭截勦斃賊二百餘人
將賊衆截爲三段前後亂竄溫春等帶兵向玉青山追趕

臣德楞泰督率大隊向官陞寨緊追遙見分有一股約百餘人遁入寨下深溝當令侍衛達勒精阿慶昌遊擊馬文斌帶兵進溝查此溝祇有上寨一線之路寨勇用礮轟擊不敢直前我兵由溝內直入生擒楊昌壽等三十七名其餘賊匪二百十三名盡數殄戮據楊昌壽等指稱首逆齊國謨已被殺死當卽割取首級呈驗至臣德楞泰與溫春等追蹤兩股賊匪至高山旺地方仍合爲一路我兵協力圈圍箭射矛戳立斃賊匪四百餘名生擒藍號李炳之子李朝坤賊營內稱少元帥白號僞總兵王得江陳文及楊開第之師余國明副元帥馮中謙並旗首冉添福岳興才

米勤王仕恒探馬頭蘭鳳林尹廷華楊昌年餘匪郭萃並
難民趙惟芳張袁氏等八百三名口搶獲槍矛器械馬驥
甚多至首逆楊開第被官兵於觀音河截斷祇帶百餘人
向柏林場潛逃適臣勒保先派阿哈保薛大烈帶兵追來
該匪等一見又復折竄我兵盡力窮追殺斃六十餘名生
擒王匡士等四十五名該犯等僉稱楊開第先受箭傷繼
被衆兵亂矛戳斃當於各屍內指認確實割取首級呈獻
臣勒保並令熊魁元等逐一辨認皆稱實係楊元帥無疑
臣勒保隨卽督兵趕至臣德楞泰軍營會同查訊兩路官
兵現獲各犯僉供此起匪衆係藍號之李炳陳朝觀白號

之楊開第顏勝可張士龍魏棒棒黃號之齊國模等股兩
月來總在南江廣元甯羌沔縣等州縣邊境山林遊奕因
陝西樓道有兵防禦不能竄去川東川北圍寨嚴緊無可
擄掠想要聚集各股人衆渡過嘉陵江到川西霸過年陸
續共湊有八千餘人探聞臣等兩路官兵均在太平邊界
已過陝西境內祇有七十五在廣元一帶駐劄各首逆相
商若由廣昭一帶竄渡恐七十五帶兵追截莫若分出李
炳楊開第顏勝可魏棒棒齊國模等五千餘人直奔川東
仍向定遠合州一帶過江陳朝觀張士龍帶領三千餘人
暫在廣元甯羌邊界往來牽制迨七十五知有大夥東奔

帶兵追趕陳朝觀等卽乘間或渡白水河或過嘉陵江使其兩處不能兼顧不料行至安仁溪忽有大兵到來攔住截殺次日逃在儀隴境內又被官兵分路衝殺通共損傷三四千人今所贖不過千名楊開第齊國謨兩人首級我們已經認驗屬實至李炳顏勝可魏棒棒等祇帶數百人先走其餘零星散竄想不是躲進老山仍是歸入陳朝觀夥內等語當將熊魁元李朝坤大小賊目十八名全行斬割示衆又襄陽老教匪朱雨等一百七十五名從賊日久之何有王等五百六十三名卽行正法被督難民趙惟芳張袁氏等九百零二名口其中陝甘人甚多均交總理道

嚴士鑑石作瑞酌發銀米就近發交地方官給票遺令回籍安插臣等伏查齊王氏餘黨係伊姪齊國謨爲帥楊開第自伊兄楊開甲被戮後卽自立爲帥總在川陝邊界往來滋擾均係著名首逆日久稽誅今幸仰仗

天威連斃一逆實足以快人心而彰

國法現據探報李炳等餘匪向恩陽河晉口兩處分竄臣等亦卽督兵馳往追勦務將此起敗殘餘孽併力殲除再行籌勦南廣邊境之賊並知會七十五卽在廣元一帶顧住江岸將賊截赴南巴境內以便臣等儘力勦辦可冀剋期歲事此次兩路打仗兵勇僅傷亡數人另行咨部

公偕勒保又奏言

臣

等欽奉

諭旨飭令將辦理川省軍務究竟年內是否可以蕪

功之處據實速奏伏念

臣等沐

恩畀以勦賊重任日久未能蕪事實無顏仰對

聖慈前因川境腹地肅清而陝楚竄匪均遁入邊境老林若不設法兜回斷無株守邊隘待賊竄川再行勦辦之理是以商定

臣德楞泰帶兵赴川陝邊界逼賊向西

臣勒保卽在山

外截擊斷不敢稍存畛域之見僅以驅出川境爲了事今因楊開第等各股竄匪分夥欲竄過江當卽分投兜截斬擒三四千人大獲勝仗併將首逆楊開第齊國謨殲斃事

機極爲順利祇有李炳等敗殘餘匪向北折竄現在分路追蹤可冀剋日殲除至陳朝觀等股尙在廣元境內現催七十五上緊勦辦縱未能立時辦完必當遏賊竄陝逼令東來庶勦辦更易爲得力就目下川省軍情而論將此數股餘匪趕緊辦竣年內原可肅清但川楚陝三省同辦一事縱使川省無賊而陝楚境內或未一律蕩平均係臣等未竟之事是以臣等會商原盼陝楚之賊全數入川可冀併力痛剿若此後陝楚之賊竟不竄來則祇有此川北境內賊匪臣等務於年內趕辦全完將邊防事宜會商料理妥當臣勒保與七十五祇可在本省勦堵臣德楞泰卽移

師入陝會同額爾登保合力辦理斷不敢稍有因循自取
咎戾至節次打仗所獲被擄民人甚多臣等仰體

聖主如天好生之德各給銀米路票省釋均係隨營道員嚴士鑑
石作瑞二人督同委員審訊明確每起各給

盛世良民黃旗一面派令妥弁管押赴附近州縣交地方官
查明籍貫逐程遞送回籍各州縣均有經過收管報案冊
籍可查到籍後俱令查照臣勒保前在經畧任內奏定章程

妥爲安頓

諭曰楊開第齊國謨在川陝邊界往來滋擾日久稽誅今經德楞
泰勒保督率官兵分路截殺先後共殺賊三千餘名生擒七八

百名殲戮首逆楊開第齊國謨並擒獲僞總兵先鋒賊目多名所辦甚屬可嘉前因德楞泰勒保將黃白藍線四號之賊縱令竄陝是以降旨將德楞泰降爲一等男勒保降爲四品頂戴以示薄懲令德楞泰等擊勦川北境內各股竄匪大獲勝仗殲厥渠魁德楞泰著加恩賞給三等子勒保賞給三品頂戴并各賞御書福字一箇普迓春禧所有打仗奮勇之阿哈保薛大烈永甯俱著交部議敘侍衛蘇爾紳帶索倫兵數名衝入賊隊射死馬賊十數名身受矛傷甚爲出力著德楞泰等查明蘇爾紳如係二三等侍衛卽著陞一等示獎如已係頭等侍衛卽著奏明交部議敘至川省竄匪經此番痛勦勢已潰散爲數無多德楞

泰本係參贊應卽遵照前旨速赴陝楚勦賊其應赴何路朕亦不爲懸定德楞泰威名素著且川省大獲勝仗各處賊匪自必聞風喪膽德楞泰惟當察探賊情何處緊要卽赴何處奮力勦辦迅奏捷音更膺懋賞其川省剿贖餘匪卽交勒保與七十五等併力搜捕務須乘賊匪潰敗迅速殲除一俟川匪勦淨勒保卽籌辦善後事宜並督率將弁仍在邊界嚴防不必以越境兜擊他處賊匪爲事但有竄入邊界之賊勒保惟當督率官兵實力勦殺卽於川境辦竣勿任賊匪復行他竄

恭錄

御製詩

參贊德楞泰總督勒保奏報兩路官兵痛勦川北逆匪三

四千名並殲斃首逆楊開第齊國謨詩誌感慰

川北餘邪聚八千妄思搶掠蜀江邊雄師合力刀矛奮小醜駢

誅溝壑

據德楞泰勒保奏報德楞泰在西鄉邊境逼賊入川緊追楊開第等股共八千餘人向巴州東竄勒保探

知賊蹤由渠縣迎勦十一月二十七日將到安仁溪

先將賊探知于渠縣迎勦十一月二十七日將到安仁溪先將賊探

七八十名擒殺無遺

隨督兵疾走迎截至騎龍埡口見有賊衆

各將領奮力勦殺潰散奔竄

追至巴州之兩臺山沿途截殺賊一千四百五名生擒七百十餘名尚有各寨團勇幫同堵禦德

楞泰於二十九日追至官陞寨

知勒保已得勝仗將折竄之賊於高山旺地方勦殺四百餘名生擒藍號李炳之子李朝坤楊

開第之師余國明等又擒獲溝內藏匿之楊昌壽等三十七名

餘賊盡數殄戮勒保

德楞泰會同查訊獲犯僉供稱楊開第係楊開甲之弟受箭傷後被牙齒斃齊國謨係齊王氏之姪已被官兵殺死當經指認確實餘賊不過千名現在追勦以冀指日

肅清

藏事雖幸楊開齊國謨彰憲典亟籌高馬伏戈鋌

高馬伏戈鋌屢破勦殺

二馬五

伏戈鋌

高馬二

賊

高二已分竄入楚境焉五尚在
陝楚之交現籌截勦佇候捷音代民虔叩祈

天赦禍結兵連已五年

十九日

公偕勒保奏言

臣

等前於渠縣之安仁溪兩臺山並儀龍

之走馬坪觀音河等處兩次痛勦楊開第李炳顏勝可齊
國謨魏棒棒等各股賊匪殲斃首逆楊開第齊國謨並擒
獲賊匪三四千人李炳等率敗殘餘黨一千人向巴州恩
陽河折竄臣等於初一日探得賊匪分爲兩股一由閬中
之龍山一由巴州之南埢場奔逃臣德楞泰取道魚溪過
街樓等處追勦龍山一路之賊初三日趕抵該處賊已西

竄行走甚速隨取捷徑兼程趕往迎截初六日抄出竄子
霸趕上賊尾該匪一見官兵亡命狂奔竄冲阿溫春阿穆
勒塔色爾滾馬瑜等帶馬隊馳追殄斃步賊二百餘名生
擒王貴等八十三名該逆等遂連夜翻山奔逃訊據王貴
等供稱此股係李楊二逆餘黨李炳被勦情急有要進老
山與另股合夥之語查獲賊王貴陳士禮等五十四名訊
係老教戰手均卽正法其餘范祿等二十九名訊係新擴
難民卽按名給發路票銀米遞回原籍妥爲安置臣德楞
泰仍卽緊躡追勦臣勒保由晉口興龍場一路取道南埢
場途次巴州之龍角寨登高寨據寨首杜國學楊宗璽等

來營稟稱昨賊過山下經團勇截殺尾賊三十一名拏獲活賊孫慶等十七名押解前來訊明俱係從賊日久逆匪均已一概正法寨首杜國學等已賞給銀牌面加獎勵旋由華溪寺趕至通江之烏林埢正值賊匪在山坳內炊飯阿哈保薛大烈永甯等帶領馬步官兵直前勦殺該匪等登時紛紛潰散當斃賊匪百餘名搜擒馮中坤各犯亦卽訊明辦理計兩路賊匪除疊次擒殄並沿途逃散外現在所贖不過六七百人旋探各逆狼狽已極日夜狂奔均至南江縣之乾溪合爲一股向平河北竄有入廣元甯羌老山之勢臣德楞泰於初九日趕至乾溪口臣勒保亦於是

臣

日由塘房壩前來兩路官兵會合適接准提臣七十五來信廣元李家壩兩河口現有陝省竄來賊匪一股滋擾已派撥都司田中桂帶兵五百名兼程前赴廣元與副將永甯會同嚴堵又有一股賊匪在廣元銀磨壩一帶屯聚約二三千人初二日分兵兩路進剿派侍衛武隆阿營長傅森額等帶兵由乾龍洞左手山梁出銀磨壩截其東北竄陝之路七十五督同副將張良槐等帶兵由覽石窯截其西竄五郎廟之路武隆阿傅森額等馳抵銀磨壩時雪霑交作趕上賊匪立殺百餘名擒獲劉正等二十九名追殺三十餘里賊向柘壩河竄走七十五一路行至三溪寺卽

有賊數百人前來當卽督兵勦殺雲騎尉德克登額守備
張君泰首先衝入賊遂敗潰順溝奔上右手大山正在攻
搶閒忽見柘壩河溝內突有賊匪抄來七十五督率將弁
兵勇分投力敵槍箭齊發擊斃馬賊三名步賊十數名雪
霧愈大山上之賊見溝內賊至又復下壓守備張君泰把
總張恩錫額外副前鋒校倭仁額藍翎長阿林泰殺賊數
名均力戰陣亡適武隆阿追賊趕來併力勦殺賊卽敗向
茶店埡逃去訊據獲賊劉正供稱此股賊匪元帥係辛聰
約有一千餘人由陝西七眼洞來川要在老山裏躲兵不
料又遇官兵打敗等語卽於訊明後分別辦理惟雲騎尉

德克登額身受矛傷腿受石傷各一處額外前鋒校廣太
腿受石傷一處所有傷亡兵勇俟查明另報等語查七十
五所勦辛聰賊股現竄廣元縣屬李家灣一帶又據探報
李炳等敗殘餘匪趕上辛聰等賊股業已合夥均向趙家
營一路逃去又探得廣元之鷹觜巖亦有賊匪滋擾據逃
出難民張俊等供稱係張士龍阮正潮陳朝觀合夥約有
三四十人因陝西官兵卡緊不能過去又聽見楊開第等
都被四川官兵殺斃不敢出山是以總在界上老林內藏
匿各等語查各股賊匪先後向廣元甯羌邊界前竄如果
各逆合夥正可聚而殲旃惟據川東文武稟報開縣雲陽

一帶現有不知姓名賊股由大甯金竹坪竄來查川東

帶地方久已肅清是以臣等均在川之西北勦辦川東實

在空虛茲既有賊竄來若不分兵往勦勢恐更延臣等會

同籌計臣勒保卽自乾溪口帶兵折回徑赴川東探明賊

蹤進剿臣德楞泰一面知會七十五由五郎廟三家壩一

帶進兵迎截該匪等竄往西面江岸之路臣卽親自帶兵

入山由平河野人村前進此一帶地方山高林密冰雪甚

大但賊匪既在該處藏匿官兵自無不能行走之理再查

辛聰張士龍阮正潮李炳陳朝觀等逆現在屯聚之處俱

在川陝交界老山之中我兵若由北面進勦必須由廣元

織出甯羌道路紓遠有需時日恐賊匪又行他竄必致追趕不及是以臣現擬由東而北令七十五由西而北務將各股賊匪逼令南入川境勦辦易於得手第賊股較多臣經被勦或恐分股北竄當卽飛行知會長麟慶成於邊界各要隘嚴密防堵萬一賊匪北竄可收兩面夾擊之效臣等惟有趕緊勦辦務期合境廓清仰紓

宵旰

諭曰李炳等敗殘餘匪由閬中巴州地方奔竄德楞泰勒保七十五帶領官兵分股追勦三路殲擒賊匪五百餘名而辛聰賊股又由陝竄入廣元李炳等敗殘餘匪趕上與之合夥又張士龍

阮正潮陳朝觀等亦在該處老林內藏匿德楞泰等會同籌計
德楞泰帶兵入山搜勦勒保卽折赴川東探蹤進擊並知會七
十五由五郎廟一路進兵迎截所辦俱好前因川境賊氛已遠
漢江以南各股竄匪勢較鴟張是以諭令德楞泰帶兵赴陝察
看何處緊要卽赴何處勦辦今陝省賊股又分路折竄川境復
與前此情形不同現在勒保已分兵前赴川東進擊若德楞泰
卽行赴陝則川北祇有七十五人恐難得力此時德楞泰又
應仍在川省督率勦辦不必卽赴陝境德楞泰現擬由東而北
令七十五由西而北務將各股賊匪逼令南入川境所見甚是
且李炳等餘匪疊經勦殺日夜狂奔狼狽已極德楞泰正宜趁

此勦除淨盡並將山內潛匿之辛張等逆設法驅出一併殲除
不必急於赴陝至勦賸餘匪乘機裹脅又成大股應俟川省各
股竄匪將次勦淨可交七十五接辦再赴鄰省協勦彼時察看
何處緊要或應赴陝或應赴楚相機辦理朕亦不爲遙制至竄
入雲開賊股大約卽係高家營之賊自因楚省追勦緊急是以
復思闖入川境其徐添德一股恐亦接續竄川勒保現赴川東
務須趕緊勦辦與德楞泰同心併力將各股竄匪卽在川東川
北境內痛加殲戮於朕釋服以前一律辦竣卽爲完事雖伊等未必能
朕必加之極賞不可僅以驅逼出境卽爲完事雖伊等未必能
將陝省各匪全行兜逼入川悉數辦淨其已竄入川者必當乘

勢殲除不可復任逸出儻堵勦不力又致賊匪他竄則伊二人
不但無功而有罪矣再此時已近歲除卽交年節朕屢念軍務
晝夜焦勞且在二十七月之內更復何心度歲卽德楞泰勒保
勦辦各股賊匪未能歲事亦自不因年節稍有鬆懈前此魁倫
卽因新年在雷音鋪久住多日致賊匪竄渡嘉陵江德楞泰等
尤當引以爲戒但賊匪無知惟以擄掠爲事如徐添德前在川
省會有過生日之事此時節屆新年或教匪羣聚爲樂人心渙
散亦屬事之所有德楞泰等轉不妨陽爲度歲示之以隙仍密
探賊股如有因值年節酣歌懈縱之處卽乘其不備帶兵奮擊
亦未始非出奇制勝之一策也所有此次殺賊陣亡之守備張

泰把總張恩錫額外副前鋒校俊仁額藍翎長阿林泰俱著咨

部賜卹

二十四日

公奏言竊臣於初十日在南江縣屬乾溪口與勒保會合後臣帶兵卽由廣元之野人村寶石溝一路探蹤前進途次板倉溝據探哨兵勇先後擊獲賊探苟國玉何青等七人解送來營訊據供稱係陳朝觀張士龍辛聰魏棒棒顏勝可阮正潮並楊李等餘匪各首逆差遣出來探聽官兵信息當卽概行正法十四日午後趕抵鹽井河據探報該匪等現在波羅溝屋房溝黃石板龔家溝等處攻圍各洞

臣當卽帶兵由青埡口翻山進剿該處樹木叢雜道路陡
險又兼冰雪滑溜馬不能行遙見煙焰騰空賊衆在各溝
內薰燒火勢正熾已攻破王家洞風斗巖灰垛子三洞卽
令步兵鑽林越箐分投競進該逆等尙未知覺官兵出其
不意分撲剿殺賊衆登時潰亂當卽殲斃殊批好二百餘名生擒
韓有元等七十八名餘賊奔上大埡口山頂恃險抗拒飛
石如雨兵勇冒石仰攻不能卽時搶上臣查看山勢一路
攻撲萬難得手一面另派奮勇兵勇繞出山後小路攀援
而上賊見我兵從後抄來大形驚慌仰攻之兵乘勢飛奔
搶上山頂賊卽潰散兩面官兵極力痛勦又殺賊殊批好二百餘

名生擒向正孔李貴等一百十二名殺屋者亦多我兵緊
跟追殺三十餘里又令兵勇喊叫被擄難民投出免死若
不早逃大兵趕上一概誅戮當有投出難民馮光林許氏
等三百二十三名口餘賊悉向嚴家壩母豬槽老林一帶
逃此好
遁逃奪獲衣物米糧牲畜等仍分給各洞難民訊據活賊
韓有元等供稱首逆係陳朝觀張士龍辛聰魏棒棒顏勝
可阮正潮並李楊餘黨共有五六千人原想躲在川陝交
界老山擄人出山不料官兵追進山來不及防備傷折甚
多陳朝觀一股昨日在田家碥向李家壩前去等語查嚴
家壩李家壩相距不遠該匪敗逃自必前往合夥當將韓

有元等訊明分別辦理查此一帶溝內共有十二洞攻破者止三洞其餘五家洞洛水洞響水洞趙家洞扶耳洞新廠鴛鴦洞野豬洞等俱得保全共救活難民男婦大小八

此洞新

百餘名口隨有洞首向真元高洪李連登等率領來營叩謝

臣

親加安慰曉以團練禦賊之法俱各歡欣感悅而去

十六日臣卽由濫漆寨馬盤山一帶逼截賊卽折向東南

奔逃途次接據署巴州田文煦稟報初四日探得通巴交

界彎柏樹地方有賊匪二百餘人向登閣寨一路滋擾該

州會同把總陳安邦並吏目陳聲帶領武生何林樹馮兆
緒等分路堵勦初六日賊匪攻圍登閣寨適陳安邦等帶

領兵勇趕到賊匪疑是大兵捨命卽逃乘勢殺賊二十九
名附近之樓臺寨寨首武生李如華王宗夏李玉蘭帶練

勇三百餘名將青林碥去路截住與陳安邦兩路夾擊又

株批亦好
殺賊

五十一名投出吳敬相王夏氏等四十七名口獲馬

九匹餘匪向陳家壩遁去旋於山林茨蓬內搜獲身穿紫

色馬褂賊犯一名當經衆難民指認係李炳營內總兵張

以文訊據該犯供認在賊營當總兵屬實前在觀音河等

處被大兵殺敗我帶二百餘人逃到新場又被圍勇劫營

今日帶人想去破登閣寨冀得衣物糧食不想遇見官兵

我人少抵敵不住上山躲藏被搜山人拏獲等語當卽批

令該州於該處將張以文齧割示衆各獲犯訊明分別辦理並令將出力之寨首練勇人等酌量獎賞一面鼓勵各寨團勇務將餘匪搜除淨盡不留遺孽惟查川北現在賊匪約不過四五千人忽分忽合俱游奕於川陝交界之廣南等處老山之內其邊界地勢南北寬有百餘里二百餘里不等東西縣長千數百里雖係老山米穀稀少而包穀菽豆各種雜糧並豬牛實多各股賊匪往往被添批甚是窮蹙所賸無幾卽竄踞其間肆其擄掠若不卽行勦辦日久復成大股且賊匪畏兵不卽出山官兵又恐逼賊入陝是以亦不進山勦辦彼此觀望歲事無期又查陝境邊界卡隘現

經長麟慶成布置嚴密常有竄近之賊俱經擊回諒此數
股敗殘餘匪斷不能衝卡越渡提臣七十五前經臣奏明

令其於廣元三家壩由西北前進與臣兩面夾擊至今尙

再批不成話未到來頃據來信伊恐帶兵深入逼賊入陝難當其咎等

語臣現在欽奉

諭旨帶兵赴陝楚勦辦南岸各逆此間賊匪不能兼顧查七十五

原帶兵勇五千名續經臣撥添四川官兵一千名現在共

帶兵勇六千餘員名以之勦辦自可得力臣現又飛行移

調令其帶兵探明賊蹤星速進剿萬不可令賊匪又復蔓

延爲患至勒保現在川東雲開一帶勦辦金竹坪竄來股

匪並零星散逃之賊是否卽能分身北來勒保自能權其
緩急辦理再固原提督賽沖阿向隨臣一路帶兵勦賊刻
下已入陝界查固原提督現經慶成署理會同長麟辦理

沿江一帶防堵事宜慶成於陝省地勢情形較爲熟悉此
時若將印信交出於防堵一切必致呼應不靈賽沖阿平
日帶領吉林官兵衆心極爲悅服打仗甚屬奮勇現當勦
賊突緊之際一易生手竊恐兩無裨益應請仍令賽沖阿
帶領吉林官兵隨同臣前往勦賊俾得易於集事

諭曰此次賊匪陳朝觀張士龍辛聰等攻圍各洞經德楞泰率領
官兵前往奮擊共計殲擒賊匪六百餘名又投出難民三百餘

人所辦尙好但所稱欽奉諭旨帶兵赴陝楚勦辦南岸各逆令
七十五進剿一節殊增塵慮前因四川省祇有零星摸柵賊匪勒
保七十五足資搜捕而陝境漢江南岸一帶賊數較多額爾登
保又前往漢江北岸是以令德楞泰不必前赴陝嗣又因陝省賊
股折竄川境卽降旨令德楞泰不必前赴陝境今據奏稱陳張
辛魏顏阮各逆尙有四五千人在南江等處老山游奕而川東
雲開一帶又有金竹坪竄來股匪並零星散逃之賊勒保是否
卽能剿盡尙未可定與前此情形迥不相同茲德楞泰帶兵赴
陝其川北賊匪僅交七十五剿辦且七十五尙未帶兵前來儻
賊匪聞知復思如春閒乘閒搶渡嘉陵江則德楞泰又如前次

之額爾登保而七十五不又成魁倫耶雖係朕過慮及此然不可不深思熟計莫蹈覆轍此時德楞泰業已赴陝距川境邊界不遠亦不必復行轉回但總須兼顧川省方於大局有裨伊係參贊大臣在川在陝豈可稍分畛域德楞泰若能將漢江南岸賊匪立時勦盡固屬甚善否則仍須逼歸川境以便併力勦辦斷不可再令漢江南岸之賊逼歸北岸及東竄湖北地方此爲最要至所稱七十五至今尙未到來頃接伊來信恐其帶兵深入逼賊入陝等語實不成話七十五旣帶兵勦賊自應奮力兜截豈有竟置不辦之理且七十五旣慮賊匪入陝身罹重咎獨不慮其在川省到處蔓延獲咎更大乎實不知該提督是何居

心七十五著傳旨嚴行申飭現在德楞泰旣已赴陝所有陳張
辛魏顏阮等股匪著責成七十五進兵搜勦現距朕釋服之期
祇有九十餘日朕盼望軍營歲續宵旰靡甯伊等具有天良豈
竟與賊日久相持不思滅此朝食德楞泰在軍營日久勒保兩
任川督於該處賊情皆所深悉究有何策可以速平賊匪接奉
此旨後著將如何布置於春間一律辦竣之處據實迅速具奏
其請令賽沖阿帶領吉林官兵一節自應如此辦理

同日公又奏言臣接奉十二月初一日

諭旨飭將勒保所奏臣在西鄉大獲勝仗與臣自奏因何不符之
處各行明白回奏伏查臣於十一月初十日繁營西鄉之乾龍

洞是夜霧雨二更後約有賊數十人突至賣買街摸着客
民驚喊經附近之廣西營盤參將劉維馨等用礮轟退時
雨夜昏黑恐有奸計未追黎明檢得賊屍五具卽令溫春
馬瑜帶兵追捕五十餘里至柏溪地方有賊百餘名在對
面山梁遙見官兵卽行四散奔入老林是時李楊等股在
西鄉南江邊界滋擾賊數較衆是以卽行撤回臣帶領重
兵祇擊斃摸着賊匪數名又未擒獲活賊無從訊係何股
壹敢鋪敘情節自蹈欺飾之愆是以摺內未經聲敘如果
接仗失利亦屬行軍之常原可無庸諱匿況損傷兵弁匿
不上聞不惟難服士卒之心且將來作何開報臣蒙

委任謬膺軍旅不能卽時歲功已覺愧赧無極萬不敢稍有虛飾
自取愆尤

硃批如果無欺隱事早成矣